

**Departamento
di Aduana ta
cera dianan
25 y 26 di
Januari .**

S O L O

BRIYANDO FUERTE • TRECIENDO CLARIDAD
Diasabra 20 Januari 2018 -Edicion-10 Vol.2438
Sta.Cruz #110 Tel: 585-9500 - E-mail: solodipueblo@gmail.com

Di Pueblo

1.50

**URATACA
CENTER**
Awe Januari 20
Keeshi Jena,
Aroz, Banana &
Salada
Soppi di: Galiña
Awg. 8.50
Tel: 585 5212

Aruba den luz mundial....

**JONATHAN THIEL,
“JEON” A DEBUTA AYERA
MUNDIALMENTE CU J. BALVIN**

*Ta un orguyo pa mira un cobertura mundial di Los
Angeles pa Argentina y di Miami pa London*



Aruba den luz mundial....

Jonathan Thiel, “Jeon” a debuta ayera mundialmente cu J. Balvin

Ta un orguyo pa mira un cobertura mundial di Los Angeles pa Argentina y di Miami pa London



Aruba por sinti su mes orguyoso di e talento Jonathan Thiel, yama “Jeon”, kende ayera dia 19 di Januari 2018 a debuta mundialmente hunto cu e artista J. Balvin cu un produccion nobo.

Despues cu dos dia prome, el’a lanza esaki na Aruba, e organizacion mundial di J. Balvin a lanza e cancion aki riba nivel mundial.

Tur television internacional, radio, mundo di expectaculo, su miras tabata riba e talentoso hoben aki: Jeon for di Aruba, cu a haya e oportunidad pa haya e push internacional di mas grandi cu cualkier artista lo desea.

Te hasta nos Papiamento nos por ta orguyoso di dje, cu tambe tin algun frase den e cancion aki.

J. Balvin a declara cu el’a conoce Jeon den un gym na New York, pero no tabata sa di e talento di Jeon.

Bek na cas, el’a mira un video riba instagram cu Dj Blass, un famoso dj di Puerto Rico a pone, cual tabata un video di Jeon.

Despues ora el’a bay bek e gym, el’a topa cu Jeon y el’a bay puntre: No ta abo mi a mira un video? Bo ta canta? Dicon bo no a bisami?

Jeon a contesta masha humilde, cu e no a bis’e mas prome, pasobra e no kier a drenta dje forma ey.

Aki J. Balvin a seya e deal cu Jeon y a bis’e pa ban haci un cancion hunto y di aki Machika a sali.

Ayer na Timesquare na New York, na Las Vegas, na Hollywood, na Los Angeles, na Miami, na London, tur parti mundo, a launch e cancion aki y Jeon tabata riba front page mundialmente.

Un tremendo logro pa un Arubiano, pa cual nos mester ta proud di dje. Pabien na famia Thiel, na su tata y demas famia, pasobra Jonathan ta pone Aruba riba plataforma internacional.

Cu esaki lo por habri e porta pa Jeon crece y competi internacionalmente y comparti tarima cu e grandinan.